

ՍԱԿԱԳՆԵՐ ԵՎ ՍԱԿԱԳՆԵՐԻ ՃՇԳՐՏՈՒՄՆԵՐ

1. 2017 թվականի հունվարի 1-ից մինչև 2017 թվականի դեկտեմբերի 31-ը ներառյալ գործում են սույն հավելվածի №1 աղյուսակում ամրագրված Բազիսային սակագները, որոնք ամրագրվում են Հանձնաժողովի որոշմամբ:
2. 2018 թվականի հունվարի 1-ից (երկրորդ հաշվարկային տարվա սկզբից) հետո սակագները յուրաքանչյուր տարի հաշվարկվում են՝ ելնելով սույն հավելվածի №1 աղյուսակում Լիցենզիայի գործողության բոլոր 15 տարիների համար բերված Բազիսային սակագներից և սույն հավելվածի 5-12-րդ կետերում բերված ճշգրտման բանաձևերից:
3. Սույն հավելվածի №1 աղյուսակի 1-ին կետում ամրագրված Բազիսային սակագները Մանրաձախ Ծառայությունների մատուցման սակագների գումարն են:
4. Սույն հավելվածի №1 աղյուսակում ամրագրված Բազիսային սակագները ենթարկվում են ճշգրտման՝ հաշվի առնելով հետևյալ գործոնները.
 - 1) մանրաձախ ջրամատակարարման ծավալը,
 - 2) սղաճը,
 - 3) Լիցենզավորված անձին մատակարարվող էլեկտրաէներգիայի սակագների փոփոխությունը:
5. Մանրաձախ ջրամատակարարման ծավալների տատանումներով պայմանավորված Բազիսային սակագնի ճշգրտումն իրականացվում է երկրորդ հաշվարկային տարվանից: Ճշգրտման մեծությունը որոշվում է հետևյալ բանաձևով՝

$$\Delta T_{bi} = \frac{T_{i-1} \times (V_{b(i-1)} - V_{f(i-1)}) \times (1 - \Delta EP_b)}{V_{bi}} \times 0.7$$

որտեղ՝

i-ն վարձակալության հաշվարկային հերթական տարին է,

ΔT_{bi} -ն i-րդ տարվա համար մանրաձախ ջրամատակարարման ծավալներով պայմանավորված՝ սույն հավելվածի №1 աղյուսակի 1-ին կետում ամրագրված Բազիսային սակագնի ճշգրտման չափն է:

T_{i-1} -ը հաշվարկային տարվան նախորդող տարվա Մանրաձախ Ծառայությունների մատուցման գումարային սակագինն է՝ առանց սույն հավելվածի 17-րդ կետով նախատեսված նվազեցման,

$V_{b(i-1)}$ -ը հաշվարկային տարվան նախորդող տարվա համար սույն հավելվածի №1 աղյուսակի 2-րդ կետում ամրագրված մանրաձախ ջրամատակարարման բազիսային ծավալն է,

$V_{f(i-1)}$ -ը հաշվարկային տարվան նախորդող այն 12 ամիսների համար Բաժանորդներին մանրաձախ ջրամատակարարման փաստացի ծավալն է, որի վերաբերյալ Բազիսային սակագնի ճշգրտման հայտի ներկայացման պահին կամ Հանձնաժողովի նախաձեռնությամբ վերանայման գործընթաց սկսելու պահին առկա է համապատասխան տեղեկատվություն, ընդ որում, երկրորդ հաշվարկային տարվա Բազիսային սակագնի ճշգրտման ժամանակ սույն ցուցանիշը որոշելիս կարող է հիմք ընդունվել նաև մինչև Լիցենզիայի ուժի մեջ մտնելն ընկած ամիսների համար համապատասխան սպասարկման տարածքի մանրաձախ ջրամատակարարման փաստացի ծավալների վերաբերյալ տեղեկատվությունը,

V_{bi} -ն հաշվարկային տարվա համար սույն հավելվածի №1 աղյուսակի 2-րդ կետում ամրագրված մանրաձախ ջրամատակարարման բազիսային ծավալն է,

ΔEP_b -ն գործակից է, որը հաշվի է առնում Բազիսային սակագնի էլեկտրաէներգիայի սակագներով ճշգրտվող բաժնեմասը՝ համաձայն սույն հավելվածի №1 աղյուսակի 4-րդ կետի,

0.7-ը գործակից է, որը հաշվի է առնում մանրաձախ ջրամատակարարման ծավալների տատանումներով պայմանավորված ռիսկերի բաշխումը Լիցենզավորված անձի և Բաժանորդների միջև:

6. Սույն հավելվածի 4-րդ կետում նշված բոլոր գործոններով ճշգրտվող սույն հավելվածի №1 աղյուսակի 1-ին կետում ամրագրված Բազիսային սակագինը

վարձակալության երկրորդ տարվանից սկսած հաշվարկվում է հետևյալ բանաձևով՝

$$T_i = T_{bi}(\Delta I_b \times KI_i + \Delta EP_b \times KEP_i + \Delta NAP_b) + \Delta T_{bi} + \Delta T'_i, \\ i=2,3,\dots,15,$$

որտեղ՝

T_i -ն i -րդ հաշվարկային տարվա Մանրաձախ Ծառայությունների մատուցման ճշգրտված գումարային սակագինն է,

T_{bi} -ն i -րդ հաշվարկային տարվա համար սույն հավելվածի N^o1 աղյուսակի 1-ին կետում ամրագրված Բազիսային սակագինն է,

ΔI_b -ն գործակից է, որը հաշվի է առնում Բազիսային սակագնի սղաճով ճշգրտվող բաժնեմասը՝ համաձայն սույն հավելվածի N^o1 աղյուսակի 3-րդ կետի,

KI_i -ն i -րդ հաշվարկային տարվա համար սղաճով պայմանավորված ճշգրտման գործակիցն է,

KEP_i -ն i -րդ հաշվարկային տարվա համար էլեկտրաէներգիայի սակագների փոփոխությամբ պայմանավորված ճշգրտման գործակիցն է,

ΔNAP_b -ն գործակից է, որը հաշվի է առնում Բազիսային սակագնի ճշգրտման չենթարկվող բաժնեմասը՝ համաձայն սույն հավելվածի N^o1 աղյուսակի 5-րդ կետի,

$\Delta T'_i$ -ն սույն հավելվածի 16-րդ կետի համաձայն որոշված մեծությունն է:

7. Սղաճով պայմանավորված ճշգրտման գործակիցը (KI_i) որոշվում է հետևյալ բանաձևով՝

$$KI_i = KI_{i-1} \cdot \frac{II_{i-1}}{100}, \quad i=2,3,\dots,15,$$

որտեղ՝

KI_{i-1} -ը $(i-1)$ -րդ հաշվարկային տարվա ճշգրտման գործակիցն է: Վարձակալության հաշվարկային առաջին տարվա KI գործակիցը ընդունվում է հավասար 1-ի:

II_{i-1} -ը i -րդ հաշվարկային տարվա Բազիսային սակագնի ճշգրտման հայտի ներկայացման ամսվան նախորդող (եթե հնարավոր չէ, ապա դրան նախորդող) ամսվա (աճողական՝ ընթացիկ տարվա սկզբից հաշվարկված ժամանակահատված) սպառողական գների ինդեքսն է նախորդ տարվա նույն

ժամանակահատվածի նկատմամբ՝ հրապարակված Հայաստանի Հանրապետության ազգային վիճակագրական ծառայության կողմից:

8. Էլեկտրաէներգիայի սակագների փոփոխությամբ պայմանավորված ճշգրտման գործակիցը (KEP_i) որոշվում է հետևյալ բանաձևով՝

$$KEP_i = \frac{EP_i}{EP_0}, \quad i=2,3,\dots,15,$$

որտեղ՝

EP_i -ն հաշվարկային տարում Ծառայությունների մատուցման ճշգրտված սակագներն ուժի մեջ մտնելու օրվա դրությամբ գործող էլեկտրաէներգիայի սակագների հիման վրա հաշվարկված Լիցենզավորված անձին մատակարարվող էլեկտրաէներգիայի միջին կշռված սակագինն է,

EP_0 -ն վարձակալության առաջին տարվա սկզբում գործող էլեկտրաէներգիայի սակագների հիման վրա հաշվարկված Լիցենզավորված անձին մատակարարվող էլեկտրաէներգիայի միջին կշռված սակագինն է:

9. Հաշվարկային տարվա Մանրաձախ Ծառայությունների մատուցման սակագները կազմում են՝

1) այդ տարվա ճշգրտված սակագնի (T_i) 100 տոկոսն այն Բաժանորդների համար, որոնց համար իրականացվում են ջրամատակարարման և ջրահեռացման (կեղտաջրերի մաքրման) ծառայություններ,

2) այդ տարվա ճշգրտված սակագնի (T_i) 85 տոկոսը, եթե Բաժանորդը միացված չէ ջրահեռացման համակարգին:

10. Մեծաձախ ջրամատակարարման սակագինը (T^1_{wi}) որոշվում է հետևյալ բանաձևով՝

$$T^1_{wi} = T_i * 0.2, \quad i=2,3,\dots,15:$$

11. Մեծաձախ ջրահեռացման սակագինը (T^2_{wi}) որոշվում է հետևյալ բանաձևով՝

$$T^2_{wi} = T_i * 0.1, \quad i=2,3,\dots,15:$$

12. «Կարեն Դեմիրճյանի անվան Երևանի մետրոպոլիտեն» փակ բաժնետիրական ընկերության ստորգետնյա ջրերի հեռացման սակագինը (T^3_{wi}) որոշվում է հետևյալ բանաձևով՝

$$T^3_{wi} = T^3_{wbi} \cdot \frac{T_i}{T_{bi}}, \quad i=2,3,\dots,15,$$

որտեղ՝

T^3_{wi} -ն հաշվարկային տարվա համար «Կարեն Դեմիրճյանի անվան Երևանի մետրոպոլիտեն» փակ բաժնետիրական ընկերության ստորգետնյա ջրերի հեռացման ծառայության ճշգրտված սակագինն է,

T^3_{wbi} -ն հաշվարկային տարվա համար «Կարեն Դեմիրճյանի անվան Երևանի մետրոպոլիտեն» փակ բաժնետիրական ընկերության ստորգետնյա ջրերի հեռացման ծառայության Բազիսային սակագինն է, որն ամրագրված է սույն հավելվածի №1 աղյուսակի 8-րդ կետում:

13. Եթե սույն հավելվածի 6-րդ կետում բերված բանաձևով i -րդ հաշվարկային տարվա համար հաշվարկված Մանրաձախ Ծառայությունների մատուցման ճշգրտված գումարային սակագնի (T_i) և Մանրաձախ Ծառայությունների մատուցման գործող գումարային սակագնի տարբերությունը չի գերազանցում 0.5%-ը, ապա i -րդ հաշվարկային տարվա համար վերահաստատվում են Ծառայությունների մատուցման գործող սակագները, ինչպես նաև սույն կետում նշված տարբերությունը հաշվի չի առնվում հաջորդ հաշվարկային տարիների Բազիսային սակագների ճշգրտման ժամանակ:

14. Ճշգրտման բանաձևերում օգտագործվող բոլոր Բազիսային մեծությունները բերվում են սույն հավելվածի №1 աղյուսակում:

15. Գոյություն ունեցող Մանրաձախ Ծառայությունների մատուցման սակագնային համակարգի՝ Լիցենզավորված անձի կամ Հանձնաժողովի առաջարկությամբ փոփոխության դեպքում, T_i ճշգրտված սակագինը կհամարվի նոր սակագնային համակարգի միջին կշռված միադրույք (դրամ/մ³) սակագինը:

16. Հաշվարկային տարվա Մանրաձախ Ծառայությունների մատուցման ճշգրտված սակագնի (T_i) և հաշվարկային տարվան նախորդող տարվա Մանրաձախ Ծառայությունների մատուցման գործող սակագնի (T_{i-1}) տարբերությունը (ΔT_i), Լիցենզավորված անձի և Հանձնաժողովի փոխադարձ համաձայնությամբ՝ Հանձնաժողովի որոշմամբ, սույն կետով նախատեսված ճշգրտումից հետո կարող է հաշվի առնվել հաջորդ կամ հետագա տարիների սակագները հաշվարկելիս: Այդ դեպքում հաշվարկային տարվա Մանրաձախ

Ծառայությունների մատուցման սակագինը հավասար կլինի հաշվարկային տարվան նախորդող տարվա Մանրաձախ Ծառայությունների մատուցման սակագնին: Հաջորդ կամ հետագա տարիների սակագներում հաշվի առնվող մեծությունը ($\Delta T'_i$) որոշվում է հետևյալ բանաձևով՝

$$\Delta T'_i = \frac{\Delta T_i * V_{bi} * 1.08^n}{V_{b(i+n)}}$$

որտեղ՝

n-ը հաշվարկային և $\Delta T'_i$ մեծության կիրառման ժամանակահատվածի միջև ընկած տարիների թիվն է,

$V_{b(i+n)}$ -ը (i+n)-րդ տարվա համար սույն հավելվածի №1 աղյուսակի 2-րդ կետում ամրագրված մանրաձախ ջրամատակարարման բազիսային ծավալն է:

ΔT_i մեծությունը հետագա երկու և ավելի հաշվարկային տարիների սակագներում հաշվի առնելու դեպքում բաժանվում է մասերի և յուրաքանչյուր մասի համար հաշվարկվում է առանձին:

17. Հանձնաժողովի կողմից սույն հավելվածի համաձայն հաշվարկված՝ հաշվարկային տարվա Մանրաձախ Ծառայությունների մատուցման ճշգրտված սակագները կարող են նվազեցվել Հայաստանի Հանրապետության կառավարության կողմից առաջարկվող սուբսիդիայի մեծությանը համապատասխան:

18. Սույն հավելվածում օգտագործվող բոլոր սակագները բերվում են առանց ավելացված արժեքի հարկի:

19. Լիցենզավորված անձն ընթացիկ տարվա գործող սակագների գործողության մեկ տարին լրանալու օրվանից՝ ոչ ուշ, քան 101 և ոչ շուտ, քան 116 աշխատանքային օր առաջ սահմանված կարգով Հանձնաժողով է ներկայացնում տվյալ հաշվարկային տարվա համար (բացառությամբ առաջին հաշվարկային տարվա) իր կողմից առաջարկվող Ծառայությունների մատուցման ճշգրտված սակագների հաշվարկը՝ հիմնավորող անհրաժեշտ փաստաթղթերով:

20. Լիցենզավորված անձի կողմից սույն հավելվածի 19-րդ կետով ամրագրված ժամկետներում Ծառայությունների մատուցման սակագների ճշգրտման հայտ

չներկայացվելու դեպքում Հանձնաժողովը կարող է սեփական նախաձեռնությամբ սկսել Ծառայությունների մատուցման սակագների վերանայում՝ այդ մասին գրավոր տեղեկացնելով Լիցենզավորված անձին:

21. Հանձնաժողովն իրավասու է անհրաժեշտության դեպքում Լիցենզավորված անձից պահանջել ճշգրտված սակագների հաշվարկին վերաբերող լրացուցիչ տեղեկատվություն և փաստաթղթեր, որի մասին գրավոր տեղեկացնում է Լիցենզավորված անձին՝ նշելով ներկայացման ողջամիտ ժամկետ:
22. Լիցենզավորված անձը պարտավոր է Հանձնաժողովի կողմից նշված ժամկետում ներկայացնել անհրաժեշտ տեղեկատվությունը և փաստաթղթերը:
23. Հանձնաժողովը, ուսումնասիրելով և քննարկելով Լիցենզավորված անձի կողմից ներկայացված հաշվարկը և հիմնավորող անհրաժեշտ փաստաթղթերը, իր իրավասության շրջանակում որոշում է ընդունում հայտի փաթեթը Հանձնաժողով ներկայացնելուց հետո՝ 80 աշխատանքային օրվա ընթացքում:

Աղյուսակ 1.

№	Անվանումներ	Նշանակումներ	Վարձակալության հաշվարկային փարհներ (i)														
			1 (2017)	2 (2018)	3 (2019)	4 (2020)	5 (2021)	6 (2022)	7 (2023)	8 (2024)	9 (2025)	10 (2026)	11 (2027)	12 (2028)	13 (2029)	14 (2030)	15 (2031)
1	Բազիսային մանրաձախ սակագին, դրամ/մ ³	T _b	150	155	162	169	176	177	177	170	160	152	137	128	123	115	108
2	Մանրաձախ ջրամատակարարման բազիսային ծավալ, մլն մ ³	V _b	123	127	131	135	139	143	148	151	155	159	162	165	168	171	174
3	Սղաճով ճշգրտվող սակագնի բաժնեմաս	ΔI _b	60%	60%	60%	60%	60%	60%	60%	60%	60%	60%	60%	60%	60%	60%	60%
4	Էլեկտրաէներգիայի սակագներով ճշգրտվող սակագնի բաժնեմաս	ΔEP _b	13%	13%	13%	13%	13%	13%	13%	13%	13%	13%	13%	13%	13%	13%	13%
5	Բազիսային սակագնի ճշգրտման չենթարկվող բաժնեմաս	ΔNAP _b	27%	27%	27%	27%	27%	27%	27%	27%	27%	27%	27%	27%	27%	27%	27%
6	Մեծաձախ ջրամատակարարման բազիսային սակագին, դրամ/մ ³	T ¹ _{wb}	30.0	31.0	32.4	33.8	35.2	35.4	35.4	34.0	32.0	30.4	27.4	25.6	24.6	23.0	21.6
7	Մեծաձախ ջրահեռացման բազիսային սակագին, դրամ/մ ³	T ² _{wb}	15.0	15.5	16.2	16.9	17.6	17.7	17.7	17.0	16.0	15.2	13.7	12.8	12.3	11.5	10.8
8	«Կարեն Դեմիրճյանի անվան Երևանի մետրոպիլիտեն» փակ բաժնետիրական ընկերության ստորգետնյա ջրերի հեռացման բազիսային սակագին, դրամ/մ ³	T ³ _{wb}	9.0	9.0	9.0	9.0	9.0	9.0	9.0	9.0	9.0	9.0	9.0	9.0	9.0	9.0	9.0

1. Սույն աղյուսակի 6-րդ կետով ներկայացվող Մեծաձախ ջրամատակարարման բազիսային սակագինը հավասար է 1-ին կետով ներկայացվող Բազիսային մանրաձախ սակագնի 20%-ին, իսկ 7-րդ կետով ներկայացվող Մեծաձախ ջրահեռացման բազիսային սակագինը՝ Բազիսային մանրաձախ սակագնի 10%-ին: